

329

M U S Æ 3529.  
726. II.  
TRANSYLVANO - SICULÆ

A D  
FONTEM ACIDUM LÖVETENSEM  
LUDENTES,

*PRÆCENTORE*

JOANNE

COMITE

LÁZAR

LIB. BAR. DE GYALAKUTA.

Sacræ-Cæsareo Regiæque Majestatis  
Confiliario Status Actuali Intimo Universo-  
rumque Statuum & Ordinum Trium Na-  
tionum Principatus Transylvaniæ  
PRÆSIDENTE.

---

C I B I N I I,  
IN TYPOGRAPHIA PUBLICA  
EXCUDIT SAMUEL SÁRDI TYPOGRAPHUS  
Annô M. D. C. C. LXII.

*Horat. Epistol. Lib. II. Epist. 2.*  
Singula de Nobis anni prædantur euntes:  
Eripuere jocos, Venerem, convivia, ludum:  
Tendunt extorquere Poëmata - - -

*Ibidem.*

Scriptorum chorus omnis, amat Nemus, & fugit  
Urbes.

08042

EXCELLENTISSIMO

DOMINO, DOMINO.

JOSEPHO ANTONIO

LIBERO BARONI

DE BAJTA,

SACRÆ-CÆSAREO REGIÆQUE  
APOSTOLICÆ MAJEST. STATUS,

ET

EXCELSI REGII IN TRANSYLVANIA  
GUBERNII CONSILIARIO,

UTROBIQUE ACTUALI INTIMO,

ET

EPISCOPO TRANSYLVANIENSI,

DOMINO

SUMME COLENDISSIMO,

SIGNUM VELUTI

PERENNIS DEVOTIONIS.

DAT DICAT DEDICAT  
AUTOR.

EXCELLENTISSIME  
DOMINE!

**O** Perosè licet, eruditus superioris  
saeculi Gallus *Mr. de la Chambre*,  
artem cognoscendi Homines descripsit,  
in Libello suo cui Titulum *L' Art. de  
Connoitre les Hommes* inscripsit: & prae-  
cepta ex ipsa Animæ essentia, ejusque  
inclinationibus, & adpetitu, vique ejus  
formatrice; hincque resultante partium  
corporis conformatione, temperamen-  
torumque diversitate deduxit: mihi ta-  
men nulla alia arte melius certiusque Ho-  
mines nosci posse persuasum est, quàm  
ex quotidiana colloquiorum consulta-  
tionumque cum iis factarum ratione.  
Quidquid enim Chiromantiæ, aut Mo-  
toscopiæ regulæ, quidquid Geomantiæ  
aut Onomantiæ habeant usu forte aut  
casu quodam verosimile repertum, fal-  
lunt tamen; nec qui eas tradunt, pro  
certis

certis venditare audent: at consilia, fer-  
moque in consultationibus produnt ani-  
mi sensa & arcana, ut non (quod ve-  
tus olim Sapiens de se dixerat) Sapi-  
ens aliquis sit quia manus habet; sed quia  
linguam interpretem animi, rerum hu-  
manarum Divinarumque Scientia imbuti.  
Nisi itaque taliter *TE* nossem Excellen-  
tissime, uti quocum in Confessu summi  
in Transylvania Senatus quottidie mihi  
consultare datum est: nisi quantum Sa-  
cro Ordine & Dignitate anteis, tantum  
quoque Doctrina super alios & Pietate  
emineres; agrestes hæ Musæ *TUUM* in  
conspectum prodire vererentur. Ut ut  
enim procaces nequaquam sint, ludunt  
tamen; & ideo *TUA* Sancti Præsulis  
severitate arceri possent: ut ut porro  
Musarum nomen sibi arrogent, agre-  
stes tamen illæ sunt & incomptæ, &  
ideo Viro tanto, ejusque Doctrina &  
Eruditione penitus indignæ. Nunc so-  
la *TUA* est pietas, quæ illis favet, &  
hoc præsidio fultæ *TIBI* occurrunt Ex-  
cellentissime! Parce igitur iis pro co-  
mitate

mitate *TUA*, & patere ludere Mufas  
has, etsi non Lyra, quam in Græcia  
olim aut Latio. pulsare doctæ sunt; ea  
tamen, quam in Scythicis his oris pa-  
rare licuit genus inter Hominum agre-  
ste & infrunitum. Nitescent hoc modo  
illæ *TUI* Nominis splendore, & quam-  
vis Carmina parum valeant, eo tamen  
usque donec supervixerint, cumque sibi  
paribus vulgo detestata scombrorum pi-  
perisque aut ciceris tegumento cedent,  
autorem vel inde quod ea *TIBI* dedi-  
care ausus sit gratia apud *TE* valuisse  
constabit. Cui dum se æternum com-  
mendat manet quoque *TUUS*

**EXCELLENTISSIME**

**DOMINE!**

*Humillimus, TIBIque devotissimus*  
*Servus*

**JOANNES C. LÁZÁR.**


## AD LECTOREM.


*LEve est fateor Lector Benevole quod in publi-  
cum emittimus Carmen; at quia dignum aliis pu-  
blico visum, cessimus iudicio Doctiorum, proprio  
niti, ob insitum Poetis vitium non ausi: Nam  
equidem teste Horatio Epist. Lib. 2. Epist. 2.*

*Ridentur mala qui componunt Carmina: verum  
Gaudent scribentes, & se venerantur & ultrò  
Si taceas, laudant quidquid scripsere, beati.*

*Dum itaque edita alias nostra non plane  
displicuisse publico advertimus, eandem hæc quo-  
que sortem experiri volumus. Agrestia hæc sunt  
mediis in alpibus & solitudine venationis dum ter  
intra septennium fontem acidum accessimus, confe-  
cta: quæ si laudem aliquam mereantur, sunt præ-  
ter hæc in scriniis Nostris alia, quæ demorsos ma-  
gis ungues fortassis sapiunt, publico olim pariter  
donanda; sin deridear cum his tineis blattisque re-  
linquenda æternum. Hæc interim Lector Bene-  
vole perlegas, etiamsi non releges unquam; & si  
Carmina damnaveris licet, Autori tamen illorum  
fave; qui dummodò ne sibi malè sit,  
benè omnibus esse cupit.*

**VALE!**





# I.

*Laus Acidulae Lövetensis in Sede Siculicali Ud-  
varhely. Annō 1754.*



Audabit quemcunque juvat salientis  
in altum

Motus aquae, meditataque longa

Nocte novae ratio pluviae, quā fonte receptas  
Per tubulos dispergimus undas.

Delectent alios peramœno confita rure  
Versaliae viridaria bellae:

Hortus & Hannoverae fruticetis floridus amplis  
Et fontis laudatus honore.

Me Keroj \* Silvæque tenent, Vallesque Lövetæ, \*\* &

\*\*\* Varjasius magis occupat amnis;

Quam Cassellanae quas evomit Hercules undæ

Æneus, dispositosque gradatim in  
Pelves torrentis demittit more ruentis,

Atque lacus, nova stagnaque format.

Heic dum me rapidus demulcet murmure rivus  
Concentu suaviore canentum,

Nym-

\* Nomen Vallis ad acidulas.

\*\* Nomen Pagi proximi ad acidulas in Sede Sic. Udvarhely

\*\*\* Nomen Amnis præterlabentis.



Nympharum mihi tunc occurrit imago jocantum  
Ludentumque, urnasque moventum.

Mox pineta jugis, & celsam vertice petram

\* Falconum, præruptaque Saxa

Contemplor quoties, mihi jam plantaria sordent  
Itala tunc, platanonae Galli.

Saxaque Naturæ positus imitantia scabros

Inque amplas diducta cavernas.

Quid tu grate oculis acidæ fons auree lymphæ?

Tu morbi mortisque fugator!

Sive Oriente ego te spectem, seu Sole cadente

Gemmatis prorumpere bullis;

Et claram flavo lympham circumdare limo:

Tunc argentum, aurumque resolvi;

E'que octogona puto, quā sunt clausa figurā

In rhombum fluitantia ferri.

Pharmaca tu præstas, quæ non Podalirius unquam

Aut possit præstare Machaon.

At quoties mihi tu sitienti carperis ore


Firmo, & quamvis usque valenti:

Nectare tunc pasci videor conviva Deorum;

Et Cœlesti rore fruisi.

Longior o! utinam foret hæc optata Voluptas!

Sed revocor, jubeorque reverti.



# II.

*Revocatio laudum priorum.*

JAm quater in segetes Messor procumbere visus:  
Et quater in versam condere semen humum:


Jam

\* Rupes prope acidum fontem Hungarico idiomate  
Soljom - Kő, idest petra Falconum dicta.




Jam quater hyberna stagnarunt flumina brumâ:  
 Et quater æstivis intumuere Notis.  
 Ex quo dicta mihi loca sunt peramœna Lövetæ  
 Varjafiusque amnis, fonsque salubris aquæ.  
 Heu! quàm plena joci, quàm tunc mihi cuncta fuere  
 Plena voluptatis, Silva, ager, unda, molæ!  
 Quàm tunc Aura levis, quàm suavi murmure rivus  
 Currebat, nemorum quàm fuit almus odor!  
 Quàm gratae Valles, queis Mane & Vespere conjux  
 Dulcis, inerrantem me comitata fuit!  
 Sed nunc mœror habet; mihi jam nunc omnia sordent,  
 Omnis & est rerum tristis imago mihi:  
 Nam qui tunc streperi concentus edere rivi,  
 Urnaque quam Naias visa movere fuit:  
 Nunc Echo gemitus nostri duplicata videntur;  
 Et fractæ vocis tertius esse sonus:  
 Urnaque Minois pallenti merfa profundo; aut  
 Umbrarum Judex, quam Rhadamantus habet.  
 Falconum mihi Petra refert Niobeia Saxa; &  
 Pegaseo rupes quæ pede tacta fuit:  
 Pinus & Italiae plantis æquata, cupressos  
 Ferales redolet, Materiemque rogi.  
 Serratoque Molæ quæ dente arroditur arbor  
 Suspicio ut feretro fissile pandat opus.  
 Quid te jam memorem, te qui mihi summa voluptas  
 Fons fueras acidæ, fonsque perennis aquæ.  
 Tunc mihi ruetabas gemmas, & ab aëre turgens  
 Quam propellebas spuma monile fuit.  
 Atque oras circum flaventem in margine limum  
 Auro tunc licuit composuisse Tagi.  
 Nectare laudavi mineralis pocula lymphæ;  
 Hisque salutiferæ vis minor artis erat.  
 Proh! Superi quanta est rerum conversio! quantum  
 Vertitur in formas res, animusque novas!

Non



Non mihi nunc gemæ, quod Fons protrudit in altum;  
 Nuper & argento concolor imber erat:  
 Sed lacrymæ, guttæque oculis plorantibus actæ,  
 Salsaque marcentes quæ rigat unda genas.  
 At neque par auro est fulgentis limus arenæ;  
 Letiferi potius signa coloris habet.  
 Ipse mihi Fons est species ferventis aheni:  
 Quo virus coxit Colchica Virgo nocens.  
 Nec sapor huic Divum laticis, medicataque Virtus;  
 Sed qualis Stygius fertur amaror inest.  
 Nunc acidus verè est: amissa Conjuge quando  
 Mella etiam reddit sensus amara mihi.  
 Letheis utinam fieres fons æmulus undis  
 Tentatique haustus vis foret illa tui:  
 Ut me adversarum caperent oblivia rerum  
 Curæque & damni, tristitiæque gravis.



### III.

*Laus Balnei ex acidulis Keroj seu Lövetensibus  
 parati.*

**B**ella per Europam latè diffusa, frequentis  
 Materiam sermonis habent: quò te modò cumq;  
 Vertas, devictas acies, fusasque phalanges,  
 Et captas audis Urbes, elusæque Regum  
 Fœdera, & æratas certare per æquora classes.

Bellum etiam Natura fovet: turbataque rerum  
 Penè vides elementa, suo nec in ordine ferri.  
 Ignis aquâ superatur: & aër rarior ante  
 Inprægnatus aquis, spissa de Nube gravescit.  
 Terra parens quæ sicca fuit; calcataque duro  
 Restitit incessu, nunc mollis diffluit, & tot

Efflu-

Effluviis, undisque super stagnantibus uda,  
 Acceptas jam reddit aquas, nec combibit ultra;  
 Tecta superficiem, canasque imitata paludes.  
 Sidera quin mutare fidem, legesque vetustas  
 Excutere, atque novo tentant molimine, quodque  
 Alterius prensare vices: nam torridus antè  
 Qui fuerat, ficcusve *Leo* frigescit, & imbres  
 Continuos, nimbosus uti profundit *Orion*.  
*Syrius* ardentis fitiens olim assecla *Solis*  
 In pluvias *Hyadas* se convertisse videtur.

Dii quoque bella gerunt; nec jam nova, me  
 quoque teste;

Et partita novo distinguunt limite Regna.  
 Nam loca, quæ quondam sylvestribus addita *Divis*  
*Faunoque* & *Satyris* longè regnata fuere:  
 Fontesque, & grato crepitantes murmure rivi,  
 Quos inter sedem sibi formosissima *Naias*  
 Fixerat, & *Dryadum* fertur luisse caterva;  
 Nunc *Musis* cessere novem: *Græcisque* relictis  
 Ad *Scythicas* venere plagas: heic augur *Apollo*  
 Præsidet, atque *lyram* tangens, vallesque *Lövetæ*\*  
 Et rupes resonare facit; tripodasque loquaces  
 Reddit, & obduras *Siculorum* perfricat aures.  
*Enthea* vis homines heic corripit: heic mihi quamvis  
 Carmina perrarò fundenti vena resurgit,  
 Et calet, & scribit facili docilique *Minerva*.  
 Septima maturis jam candet frugibus *Æstas*  
 Ex quo *Fons* acidus mihi ter lustratus, amaras  
 Præbet aquas, haustuque juvat, gustumq; remordet:  
 Temperat atque ignes & pocula læta *Lyæi*.

Ter

\* *Löвете Pagus est in Sede Siculica Udvarhely sub  
 alpibus, in cuius Territorio Keroj dicto sunt a-  
 cidulæ laudatæ.*

Ter furor incessit Vatem, cantataque terno  
 Carmine grata mihi, speciesque ingrata locorum.  
 Otia, sepositis heic curis, quando capeffo  
 Insectorque feras, & votis *Virgo Diana*  
 Expetitur, tunc *Phæbus* adest; plectrumque ferire  
 Suadet, cumque feris sacratos figere versus.  
 Dumque olim quercus, nisi *Dodonæ* esse canoras  
 Jussit, fata aliis clausit, voluitque tacere:  
 Nunc nemus omne mihi loquitur, *sylvæque* loquuntur:  
 Insidiasque feris quacumque sub arbore ponam  
 Et præcelsa canit pinus, canit ornus ab alto,  
 Et tremulis abies foliis, corylique loquuntur  
 Pronaque de summis descendunt carmina *Fagis*.

Prima mihi falsi fontis laudare salubres  
 Potus cura fuit, juxta strepitumque ruentis  
 Amnis, & excelsam prærupto vertice petram,  
 Et pineta, situmque loci, vallesque recenti  
 Aura spirantes, & quæ mihi grata fuere.

Mox ubi dilecta viduatus conjuge pulcras  
 Post iterum valles, fontemque nemusque revisi:  
 Tristis ut ut, languensque; Deo tamen intus agente  
 Effudi gemitus, & lamentabile carmen.  
 Omnia tunc mutata mihi, faciesque priores  
 Rerum sordebant; nec erat laudabile quidquam.  
 Carmina si relegas *Nasonem* crede putabis  
 Sive *Tomitanis* suspiria ducere terris:  
 In nova seu rerum mutatas dicere formas.

Nunc quoque potatis velut à *Permessidos* undis  
 Tertius incessit mentem furor; & nova *Phæbo*,  
 Carmina dicturus, chartam, & quibus illino captat  
 Arma manus, strepero tractas & ab anseris pennas.  
 Nec tamen aut fontem laudo, vel detraho quidquam;  
 Fontis opes, & hausta cadis, calefactaque saxis  
 Balnea sunt jucunda modò dicendaque nobis:

Est

Est mihi fissilibus tabulata, & frondibus actis  
In latus, umbrosæ species exstructa cavernæ.  
Non nimis ampla; cadis tamen opportuna duobus:  
Huc bis quottidie: dum longè a vertice Sol est,  
Et longè Hesperias merfurus despicit undas,  
Lympha bobus vehitur, vasique ex fonte repleto  
Versa, cados onerat, membris infusa lavandis.  
Magna sed intereà congesto è stipite moles  
Herbofo succensa foco, depascitur igne.  
Injecti lapides & flammescencia saxa  
Candent, & rutilant rubeos mentita pyropos.  
Quos superimpositos factis è segmine furcis  
Effert, inque acidas inmittit rusticus undas.  
Tum verò mugire nemus, parvaque tabernâ  
Aut gemitu reris responsa parare Sybillas  
Aut furere Idæas pulsando tympana Bachas.  
Pugna fit heic calidi cum frigore; quam Schola quon-  
dam

Antiperistaseos celebrato nomine dixit.  
Nam simul ut fundum petiit calor, illicò fursùm  
Commotas propellit aquas, luctatur & usque  
Sævit, & occiduus bullas eructat inanes.  
Sed certat, vincitque tamen, vincendus & ipse.  
Nam simul ac cessat murmur, strepitusque refedit  
Victi concedunt armis hostilibus ambo.  
Frigent saxa, calescit aqua, & ferventis aheni  
Ferre cados speciem, & vix non bullire videres.  
Tunc ubi ferventi minor est, majorque tepenti  
Incipit esse gradus, mensuraque justa caloris,  
Exuimur vestes; quocum mihi nexus amoris,  
Sanguinis, atque animæ est, Comitum qui stemma-  
te BETHLEN

Ortus, DAVIDIS sacrata nomen ab unda  
Obtinuit: cumque hoc, quò non Vir justior alter  
Et

Et nemo melior, nec certior audit amicus  
Ingredimur, calidas & aquas immergimur ambo:  
Nec tantum abluimur corpus, sordesque receptas  
Mundamur, falsisque cutis mollescit ab undis;  
Permeat ossa calor, totamque in corpore massam  
Sanguinis, ad celeres missa torpedine motus  
Concitat in venis: mox arcta obpletaque laxat  
Spiramenta cutis, per quæ sudore meante  
Sub cute particulas quæ sunt educit aquosas.  
Rorat aquis vultus stillantibus, & viridi ceu  
Gramine spectares fluidas in corpore gemmas.  
Haud aliter ligno vivum qui claudere tentat  
Argentum, subditque vitro, cui machina densum  
Aëra subduxit, partes tunc ire minutas  
Trans lignum & duri solvisse repagula claustri  
Sentiet, & densas hædere per extima guttas.

Sic ubi sudatum satis est, corpusque levatum  
Tergimur, & ficcis induti excedimus antro;  
Emunctosq; humidis artus, stomachumque fovemus  
Nigro de baccis queis germinat India potu.  
Quàm bene tunc ori, ventrique inmissus inani  
Potus aquæ tinctæ recreat, redditque vigorem,  
Lassis, & reficit fractas per balnea vires!  
Segne quod ante fuit corpus, nervique remissi;  
Et cerebrum lenta veluti vertigine motum,  
Quæque suas præstant obeunda ad munia partes.  
Quodque senescenti fallax promiserat olim  
Saga patri, totum te sentis esse renatum.

Unde, sagax quæres, hæc prodigiosa resultat  
Vis, Medicis necdum satis explorata peritis?  
Non ex fonte petas: cujus si promiseris ori  
Tam gratos latices, mordent licet usque palatum;  
Longè deductis aliò, longoque dierum  
Tractu servatis, & acor suavissimus antè



Et periit Virtus si quæ fuit ulla medendi.  
Neve putes quæso soli hæc tribuenda calori.  
Nam calidis utcunque diù multumque fruarè  
Non tamen hæc virtus, non hæc Divina potestas  
His erit; adnatas oculis deducere pelles:  
Tendere contractos morbofo corpore nervos:  
Tollere prominulas nullo tondente marifcas.

Certior ergo fedet menti fententia: Saxa  
Ingenio formata loci, filicesque jacentes  
Heic circùm, fimiles illis telluere sub ima  
Quos lambunt, acidumque ab iis fumfere faporem  
Fontis aquæ, diverfam aliam, tectamque fovere  
Vim, licet ignotam: quæ dum violentius igne  
Urgetur rapido, atque ardentibus excita flammis  
Est inmiſſa cadis, fe fe transfundit in undas  
Et miſcet vires, & opem fert mixta medendi,  
Haud fecus ac filicis ſcintilla recondita venis  
Fomitis in floccos chalybis transmigrat ab icu.

Hæc meditata cano Muſis Phœboque jubente;  
Mercurius quamvis medicam mihi deneget artem.  
O! ſi quotannis grata hæc mihi balnea dentur!  
Grandævus moriar, fanuſque & corpore firmo  
Ævo ter functi ſuperabo Neſtoris annos.

*Nunc bis ſena brevi, qui jam numeravero luſtra.*

Keroj. 10. Auguſt. A. 1762.

